




Ilmo Concello de
CAMBADOS
(Pontevedra)



ACTA DA SESIÓN ORDINARIA CELEBRADA POLO PLENO O 30 DE XUÑO DE 2016.

ASISTENTES:

PRESIDENTE:

Abal Roma, Fátima (P.S.deG.-PSOE)

CONCELLEIROS:

Abal Varela, José Ramón (Cambados PODE)
Aragunde Aragunde, Luis (P.P.)
Brea Troncoso, Mónica (P.P.)
Caamaño Rivas, Víctor Manuel (B.N.G.)
Cacabelos Domínguez, María Josefa (B.N.G.)
Charlín Trigo, Xurxo (Participación Democrática Directa de Galicia/Somos Cambados)
Cordal Rodríguez, Constantino (Participación Democrática Directa de Galicia/Somos Cambados).
Gómez Blanco, Juan Ramiro (P.P.)
Iglesias Pombo, Antonio Joaquín (P.P.)
Martínez Piñeiro, Milagros (P.S.deG.-PSOE)
Pérez Osorio, Miguel (P.S.deG.-PSOE)
Pomares Botana, Eulogio (P.P.)
Prado Cores, María Teresa (B.N.G.)
Serantes González, Luis Alberto (P.P.)
Varela Piñeiro, María Isabel (P.P.)

NON ASISTE:

Cores Chaves, José Juan (P.P.)

SECRETARIO XERAL

D. Francisco Javier Oubiña Lodeiro

No Salón de sesións da Casa Consistorial, sendo as vinte e unha horas e cinco minutos, reúnense en primeira convocatoria os Concelleiros citados anteriormente, ao obxecto de celebrar a sesión ordinaria do Pleno, asistidos de min, o secretario xeral do Concello quen certifica.

Comprobada pola Secretaría a existencia do quórum necesario, declarase pola Sra. Alcaldesa-Presidenta aberta a sesión, con arranxo ao seguinte orde do día:

ORDE DO DÍA



I) PARTE RESOLUTIVA

1.- AGRADECIMENTO DO CONCELLO DE CAMBADOS ÁS INSTITUCIÓNS DO ESTADO DOADORAS DE LIBROS PARA A BIBLIOTECA MUNICIPAL "LUÍS REI" E ÁS AXENCIAS DE LECTURAS DAS PARROQUIAS.

Intervén o Sr. Caaamaño Rivas quen dí que hai uns meses e por mediación do neto de Antonio Magariños chegaron libros de distintas institucións, que a doación foi considerable e que lles solicitaron que o pleno agradecese a doación destes fondos bibliográficos. Deseguido pasa a ler a proposta de acordo:

O Concello de Cambados quere facer un recoñecemento de agradecemento público pola importante donación de libros que nos pasados meses veñen de realizar, diferentes institucións do Estado, á Biblioteca Municipal Luís Rey. As entidades colaboradoras, nesta iniciativa, foron o CSIC (Centro superior de Investigacións Científicas), o Instituto de Estudos Galegos Padre Sarmiento de Santiago, o "Ministerio de Educación, Cultura y Deporte", o "Ministerio de Asuntos Exteriores y de Cooperación", o "Ministerio de Agricultura, Alimentación y Medio Ambiente", o "Ministerio de Fomento", o "Ministerio de Industria, Energía y Turismo", o "Ministerio de Economía y Competitividad", o "Ministerio de Hacienda y Administraciones Públicas", o AECID "Agencia Española de Cooperación Internacional para el Desarrollo" e o "Instituto Cervantes". Con este acordo o Concello de Cambados quere transmitirle ás entidades públicas participantes o seu agradecemento e asegurarilles, ao mesmo tempo, que o material bibliográfico donado servirá para enriquecer os fondos bibliográficos da Biblioteca Luís Rey e das diferentes axencias de lectura parroquiais do noso concello, servindo sen dúbida, este material, para que no futuro moitos dos nosos lectores e lectoras poidan enriquecer a súa formación científica e humana.

Sometida a proposta a votación esta é apreciada por unanimidade, en consecuencia queda aprobada a proposta nos termos en que foi presentada debendo comunicarles ás institucións doadoras dos fondos bibliográficos o contido do presente acordo.

2.- APROBACIÓN, SE PROCEDE, DA MODIFICACIÓN DA ORDENANZA FISCAL REGULADORA DA TAXA POR ENSINANZAS ESPECIAIS EN ESTABELECIMENTOS DOCENTES DAS ENTIDADES LOCAIS (ESCOLA MUNICIPAL DE MÚSICA E CONSERVATORIO ELEMENTAL)

Procede o secretario á lectura do dictame da comisión informativa que é o seguinte:

A Comisión Informativa Permanente de Facenda e Patrimonio, en sesión extraordinaria celebrada o 27 de xuño de 2016, emitiu ao amparo do previsto no artigo 126 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e 65 do Regulamento orgánico municipal o seguinte dictame que ten carácter preceptivo e non vinculante:

APROBACIÓN, SE PROCEDE, DA MODIFICACIÓN DA ORDENANZA FISCAL REGULADORA DA TAXA POR ENSINANZAS ESPECIAIS EN



ESTABLECIMENTOS DOCENTES DAS ENTIDADES LOCAIS (ESCOLA MUNICIPAL DE MÚSICA E CONSERVATORIO ELEMENTAL)

Intervén o Sr. Caamaño Rivas quen explica que se eliminaron algunas cuestións que non se estaban ofertando. Solicita a palabra a Sra. Interventora uso que lle é concedido pola Presidencia dicindo que se estimaron todas as pretensións solicitadas agás a suba solicitada nas tarifas. Sometida a proposta a votación esta é aprobada con 4 votos a favor Srs. Charlín Trigo, Caamaño Rivas, Pérez Osorio e Abal Varela e 2 abstencións Sres Aragunde Aragunde e Serantes González. En consecuencia queda ditaminada favorablemente a proposta do Concelleiro de Ensino, Patrimonio, Cultura Deporte e Normalización Lingüística nos seguintes terminos:

Visto que, por parte da empresa que está a prestar o servizo da Escola Municipal de Música e do Conservatorio Elemental, se comunicou a este Concello a necesidade de revisar o contido da Ordenanza reguladora da taxa, debido aos seguintes motivos:

- É necesario simplificar o texto do artigo 5 (Cota tributaria) xa que no mesmo se recollen cuestións de orde académico que están reguladas na normativa básica do Estado e da Consellería de Cultura, Educación e Ordenación Universitaria e que non teñen que ver directamente coas tarifas que se regulan no antedito artigo.
- Que, respecto das tarifas recollidas no artigo 5 (Cota tributaria), é preciso eliminar algúns dos conceptos xa que non se están a aplicar (coro, servizo de pianista acompañante, ...). Tamén se propón unha equiparación da tarifa por segundo instrumento no Conservatorio coa tarifa por instrumento da Escola de Música.
- Proponse recoller a posibilidade de matrícula en materias soltas e pendentes, regulando a situación do alumnado cunha materia pendente de 4º que, segundo a normativa, só ten que cursar a materia pendente e non todas as do curso.
- Que se recolla algún tipo de beneficio fiscal para as familias que teñan varios fillos matriculados.

Considerando que as propostas están fundamentadas e se consideran necesarias, agás no relativo á tarifa por segundo instrumento no Conservatorio, que non entendemos xustificada á suba, xa que os alumnos do Conservatorio que cursan un segundo instrumento xa pagan ademais a tarifa polo curso completo.

Visto que, respecto a posibilidade de incluír beneficios fiscais na Ordenanza, a legislación únicamente permite aqueles que veñan establecidos por normas con rango de lei ou deriven de tratados ou acordos internacionais. Considerase axeitado recoller na Ordenanza as reducións reguladas na Lei de Protección ás Familias Numerosas.

Visto o informe emitido pola Intervención municipal de 21 de xuño de 2016, teño a ben propoñer á Comisión de Facenda a adopción do seguinte

ACORDO

PRIMEIRO.- Aprobar a modificación dos artigos 5 e 6 da Ordenanza fiscal reguladora da taxa por ensinanzas especiais en establecementos docentes das



Ilmo Concello de
CAMBADOS
(Pontevedra)

entidades locais (Escola Municipal de Música e Conservatorio Elemental), do seguinte tenor literal:

"Artigo 5.- Cota tributaria:

1.- A contía da taxa será a resultante da aplicación das tarifas contidas neste artigo.

MATRÍCULA

Os alumnos que se matriculen no Conservatorio ou na Escola de Música pagarán unha taxa de 23,05 €/anual, que será aboada no mes de xuño.

TARIFAS ESCOLA MUNICIPAL DE MÚSICA


Concepto	€/trimestre/persoa
Música e Movemento (de 4-8 anos)	59,25 €
Instrumento (1/2 h semana)	66,85 €
Instrumento (1 h semana)	133,70 €
Linguaxe Musical	29,75 €

CONSERVATORIO ELEMENTAL

Concepto	€/trimestre/persoa
Curso completo (Instrumento, Linguaxe musical i Educación Auditiva e Vogal)	148,35 €
Instrumento(2ª especialidade)	49,50 €
Probas de acceso a 1º de Grado Elemental(taxa de inscrición)	26,10 €
Probas de acceso a 2º, 3º e 4º de Grado Elemental(taxa de inscrición)	31,25 €
Materia solta 4º curso do grao elemental. Co límite do importe da tarifa por curso completo (148,35 €):	
- Linguaxe musical:	29,75 €
- Educación Auditiva e Vogal:	29,75 €
- Instrumento:	133,70 €

2.- Materias soltas e materias pendentes:

- No caso de estudos na Escola Municipal de Música, o importe total da taxa trimestral será o que resulte da suma de cada unha das materias e instrumentos, segundo as tarifas expresadas no cadro anterior e segundo o tempo de docencia no caso da materia de "Instrumento".
- A matrícula no Conservatorio Elemental será por curso completo. Poderase cursar un segundo instrumento de acordo co previsto na normativa xeral de aplicación nas ensinanzas de réxime especial de música. Neste caso non será preciso satisfacer taxa algunha polas materias comúns superadas. Igualmente



poderá solicitarse a asistencia como oínte ás materias comúns de calquera dos cursos (superadas ou non) sen custe adicional.

c) No caso de repetir curso, aboarase o importe do curso completo. No caso de que debera cursarse unha materia pendente, aboarase igualmente o curso completo correspondente ao curso máis alto no que se está matriculado, sen que supoña sobrecuste. De acordo co previsto na normativa xeral de aplicación nas ensinanzas de réxime especial de música no seu grao elemental, únicamente se pode cursar unha materia solta e pendente no 4º curso do grao elemental.

3.- Actividades de asistencia gratuíta:

A Escola Municipal de Música organizará actividades de conxunto, tales como orquestra, banda de música, conxuntos, coro, etc, de acordo co previsto na Orde de 11 de marzo de 1993, pola que se regulan as condicións de creación e funcionamento das escolas de música e danza da Comunidade Autónoma de Galicia. A asistencia a estas actividades é gratuíta para todo o alumnado matriculado na Escola Municipal de Música e no Conservatorio Elemental, precisándose únicamente a inscrición nas mesmas aos efectos da organización e xestión académica destas actividades.

Artigo 6.- Beneficios fiscais:

1. Aplicarase unha bonificación do 50% da taxa ás familias numerosas, en virtude do disposto no art. 12.2 da Lei 40/2003, do 18 de novembro, de Protección ás familias numerosas, previa solicitude e xustificación, mediante a achega de fotocopia do carné de familia numerosa en vigor.

2. Estarán exentos do pago da taxa:

As Familias numerosas de categoría especial, en virtude do disposto no art. 12.2 da Lei 40/2003, do 18 de novembro, de Protección ás familias numerosas, previa xustificación, mediante a achega de fotocopia do carné de familia numerosa en vigor.

3. Ademais dos recollidos nos apartados anteriores, só se admitirán beneficios que veñan establecidos nas normas con rango de lei ou deriven de tratados ou acordos internacionais.


DISPOSICIÓN FINAL

A presente modificación entrará en vigor ao día seguinte da súa publicación íntegra no Boletín Oficial da Provincia e comezará a aplicarse no curso escolar 2016-2017, permanecendo en vigor ata a súa modificación ou derogación expresa."

SEGUNDO.- Dar ao expediente a tramitación e publicidade preceptiva, mediante exposición do mesmo no taboleiro de anuncios deste Concello por prazo de trinta días hábiles, publicando o anuncio de exposición no Boletín Oficial da Provincia e nun diario dos de maior difusión da provincia. Durante o prazo de exposición pública do expediente os interesados poderán examinalo e expor as reclamacións que estimen oportunas.



Ilim Concello de
CAMBADOS
(Pontevedra)



TERCEIRO.- Considerar, no caso de que non se presentasen reclamacións ao expediente, no prazo anteriormente indicado, que o Acordo é definitivo, en base ao artigo 17.3 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais."

Rematada a lectura intervén o Sr. Caamaño Rivas quen manifesta que esta é unha proposta da empresa que xestioná o conservatorio, que en resumo proponse equiparar o segundo instrumento do conservatorio coa escola de música e idéntico prezo, que se outorga a posibilidade de que se faga matrícula por materias soltas e que non se tivo en conta a solicitude da empresa de incrementar as tarifas, asimesmo introducíense beneficios fiscais para familias numerosas.

Intervén a Sra. Alcaldesa quen fai referencia ao informe da interventora quen no apartado sexto dí que a proposta de modificación da Ordenanza fiscal reguladora da taxa por ensinanzas especiais en establecementos docentes das entidades locais (Escola Municipal de Música e Conservatorio Elemental) non modifica os importes das tarifas anteriores. Os beneficios fiscais propostos veñen establecidos por unha norma con rango legal. Por ilo infórmase favorablemente a devandita proposta.

Intervén o Sr. Aragunde Aragunde quen manifesta que o seu grupo está dacordo. Que a maioría de prezos xa os fixaran eles, que entán moi orgullosos de haber creado estes doux servizos xa que Cambados conta cunha ampla vida musical e que o lugar estendían que era o axeitado e que a igrexa cedeu o uso. Remata anunciando o voto favorable do seu grupo.


Sometida a proposta a votación esta é apreciada por unanimidade dos membros presentes (16). En consecuencia queda aprobada a modificación da Ordenanza fiscal reguladora da taxa por ensinanzas especiais en establecementos docentes das entidades locais (escola municipal de música e conservatorio elemental) nos termos en que foi presentada.

3º.- ADHESIÓN, SE PROCEDE, DO CONCELLO DE CAMBADOS AO CONVENIO DE COLABORACIÓN ENTRE A CONSELLERÍA DE FACENDA, A AXENCIA TRIBUTARIA DE GALICIA E A FEDERACIÓN GALEGA DE MUNICIPIOS E PROVINCIAS AO ABEIRO DO PROCEDIMENTO DE REGULARIZACIÓN CATASTRAL.

Procede o secretario á lectura do dictame da comisión informativa que é o seguinte:

A Comisión Informativa Permanente de Facenda e Patrimonio, en sesión extraordinaria celebrada o 27 de xuño de 2016, emitiu ao amparo do previsto no artigo 126 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e 65 do Regulamento orgánico municipal o seguinte dictame que ten carácter preceptivo e non vinculante:

ADHESIÓN, SE PROCEDE, DO CONCELLO DE CAMBADOS AO CONVENIO DE COLABORACIÓN ENTRE A CONSELLERÍA DE FACENDA, A AXENCIA TRIBUTARIA DE GALICIA E A FEDERACIÓN GALEGA DE MUNICIPIOS E



PROVINCIAS AO ABEIRO DO PROCEDIMENTO DE REGULARIZACIÓN CATASTRAL.

Sometida a proposta a votación esta é aprobada con 4 votos a favor Srs. Charlín Trigo, Caamaño Rivas, Pérez Osorio e Abal Varela e 3 abstencións Sres Aragunde Aragunde, Pombo Iglesias e Serantes González. En consecuencia queda ditaminada favorablemente a proposta do Concelleiro de Facenda nos seguintes terminos:

Primeiro.- O Concello de Cambados solita a adhesión ao Convenio subscrito o 23 de maio de 2016 entre a Consellería de Facenda, a Axencia Tributaria de Galicia e a Federación Galega de Municipios e Provincias para a asistencia no exercicio de competencias relativas ao procedemento de regulación catastral. A vontade do Concello de Cambados de adherirse expresamente a todas e cada unha das cláusulas do convenio, asumindo as obrigas derivadas do mesmo e con suxeición a todas e cada unha das súas cláusulas.

Segundo.- Facultar á Alcadesa para a sinatura do Convenio

Terceiro.- Designar como interlocutor a D. Xurxo Charlín Trigo

Rematada a lectura intervén Sr. Charlín Trigo quen resume o contido do convenio entre otros aspectos resalta que a ATRIGA comprométese a prestar asesoramento en materia tributaria ao concello no imposto sobre bens inmobilés e á consellería de facenda a comprobar a súa incidencia na estabilidade orzamentaria e a sustentabilidade financeira. Remata dicindo que este convenio terá vixencia ata o 31 de decembro de 2017.

Intervén o Sr. Aragunde Aragunde anunciando o voto favorable do seu grupo.

Sometida a proposta a votación esta é apreciada por unanimidade dos membros presentes (16). En consecuencia queda aprobada a adhesión do Concello de Cambados ao convenio de colaboración entre a Consellería de Facenda, a Axencia Tributaria de Galicia e a Federación Galega de Municipios e Provincias ao abeiro do procedemento de regularización catastral.

4º.- ADHESIÓN, SE PROCEDE, DO CONCELLO DE CAMBADOS AO CONVENIO ENTRE A FEDERACIÓN ESPAÑOLA DE MUNICIPIOS E PROVINCIAS (FEMP) E A SOCIEDADE XERAL DE AUTORES.

Procede o secretario á lectura do dictame da comisión informativa que é o seguinte:

A Comisión Informativa Permanente de Facenda e Patrimonio, en sesión extraordinaria celebrada o 27 de xuño de 2016, emitiu ao amparo do previsto no artigo 126 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e 65 do Regulamento orgánico municipal o seguinte dictame que ten carácter preceptivo e non vinculante:

ADHESIÓN, SE PROCEDE, DO CONCELLO DE CAMBADOS AO CONVENIO ENTRE A CONSELLERÍA DE FACENDA, A AXENCIA TRIBUTARIA DE GALICIA



Ilmo Concello de
CAMBADOS
(Pontevedra)

E A FEDERACIÓN ESPAÑOLA DE MUNICIPIOS E PROVINCIAS (FEMP) E A SOCIEDADE XERAL DE AUTORES E EDITORES (SGAE).

Intervén o Sr. Charlín Trigo que dí que este convenio se esixe para finiquitar a débeda pendente e que a SGAE eixiu levalo a pleno. Sometida a proposta a votación esta é aprobada con 4 votos a favor Srs. Charlín Trigo, Caamaño Rivas, Pérez Osorio e Abal Varela e 3 abstencións Sres Aragunde Aragunde, Pombo Iglesias e Serantes González. En consecuencia queda ditaminada favorablemente a proposta do Concelleiro de Facenda nos seguintes terminos:

O Concello de Cambados adhirese ao Convenio subscrito entre a Federación Española de Municipios e Provincias (FEMP) e a Sociedade Xeral de Autores e Editores facultando á Alcaldesa para a sinatura do Anexo I do Convenio que contén as seguintes cláusulas

Primeira.- A autorización concedida mediante o presente documento para a comunicación pública das obras do repertorio de pequeno derecho administradas por SGAE, quedará condicionada á sinatura do correspondente contrato segundo a modalidade de uso afectada, cuxos modelos figurán como Anexo II do Convenio, formando parte integrante do mesmo.

Segunda.- Nos espectáculos organizados polo Concello, que se celebren con prezo de entrada, observaránse todas as obrigas previstas no epígrafe 1 das TARIFAS, que se atopan contidas no Anexo III do Convenio, e que forman parte do mesmo.

Terceira.- Para a aplicación das bonificacións previstas no Acordo Quinto do Convenio, practicables sobre as tarifas correspondentes aos actos organizados polo Concello aos que o público poida acceder gratuitamente, será condición indispensable a presentación da certificación acreditativa do orzamento de gastos destinado á celebración de cada acto ou espectáculo susceptible de bonificación.

Cuarta.- A presente adhesión ao Convenio SGAE/FEMP comezará a rexir desde o día da data da sinatura e a súa duración será indefinida.

Intervén o Sr. Caamaño Rivas quen explica que a razón da sinatura deste convenio ven motivada pola xuntanza que mantiveron coa SGAE para regularizar a débeda que o concello, sendo este un paso previo, que no futuro Terán un descontó do 15%.

Intervén o Sr. Aragunde Aragunde quen dí que eles fixeron un acordo no que lles reclamaban o pago e que a mayoría dos concellos nos din que non estaban a pagar, que non lles parece nada serio e que estaban dispostos a acudir ao xulgado, que entendían que tiñan que reclamar ano a ano, que se levantaron da xuntanza e despois lles rebaixaron a débeda nun 20% aproximadamente, que era a productora a que tiña que fazer fronte a esos gastos e que presentou un escrito ao que non se lle contestou.

Intervén o Sr. Caamaño Rivas quen dí que compre aclarar que hoxe en día están obrigados a pagalo. Que se lles dixo que se chegou a un acordo co anterior grupo



de goberno pero que en 2013 se deixou de pagar. Remata dicindo que a productora en todo caso repercutiría o prezo.

Intervén o Sr. Aragunde Aragunde dicindo que as productoras teñen uns convenios con reducción.

Intervén o Sr. Charlín Trigo quen da os datos de pago realizados a SGAE dicindo que o anterior goberno no 2014 pagou o 2010 e 2011 e no ano 2015 o albariño de 2012.

Sometida a proposta a votación esta é apreciada por unanimidade dos membros presentes (16). En consecuencia queda aprobada a adhesión do Concello de Cambados ao convenio entre a Federación Española de Municipios e Provincias (FEMP) e a Sociedade Xeral de Autores e Editores.

5º.- DECLARACIÓN, SE PROCEDE, DO CONCELLO DE CAMBADOS COMO LOCALIDADE SOLIDARIA CO ALZHEIMER.

Procede o secretario á lectura do dictame da comisión informativa que é o seguinte:

"A Comisión Informativa Permanente de Sanidade, Terceira Idade e Servizos Sociais, en sesión extraordinaria celebrada o 27 de xuño de 2016, emitiu ao amparo do previsto no artigo 126 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e 65 do Regulamento orgánico municipal o seguinte dictame que ten carácter preceptivo e non vinculante:

DECLARACIÓN, SE PROCEDE, DO CONCELLO DE CAMBADOS COMO LOCALIDADE SOLIDARIA CO ALZHEIMER.

Intervén o Sr. Cordal Rodríguez quen dí que ao concello se lle pediu que se sumasen a esta iniciativa, que además vai conllevar unha serie de actividades que permitan contribuir á lotta contra o alzheimer.

Sometida a proposta a votación esta é aprobada con 4 votos a favor Srs. Cordal Rodríguez, Charlín Trigo, Pérez Osorio e Prado Cores e 3 abstencións Sres Aragunde Aragunde, Pombo Iglesias e Serantes González. En consecuencia queda ditaminada favorablemente a proposta do Concelleiro de Servizos Sociais nos seguintes terminos:

Ratificar a declaración da Federación de Asociacións Galegas de Familiares de enfermos de alzheimer e outras demencia, declarándose o Concello de Cambados, como "Localidade Solidaria co Alzheimer", quen apoia a iniciativa liderada pola Alianza polo Alzheimer que reivindica a posta en marcha dunha Política de Estado de Alzheimer."

Intervén o Sr. Cordal Rodríguez quen dí que lle pidieron que se sumase a esta declaración que é a seguinte:




Ilmo Concello de
CAMBADOS
(Pontevedra)

- "Conscientes de que o alzheimer é un problema socio-sanitario debido á inexistencia de tratamentos efectivos e posibilidades de prevención.
- Conscientes de que, a pesar das diferentes recomendacións formuladas dende o Parlamento Europeo, a Comisión Europea, más recentemente da Organización Mundial da Saúde, en Galicia non existe unha estratexia integral de abordaxe das demencias en Galicia.
- Conscientes de que as demencias teñen unha prevalencia estimada de 104.000 casos en Galicia, das que o 65% son debidas ao Alzheimer e a grande afectación que esta enfermidade produce aos doentes e ás súas familias, e que debido ao aumento da esperanza de vida da poboación, nos próximos vinte anos esta cifra verá duplicada a súa incidencia, sendo este un problema especialmente grave en Galicia polo especial avellentamento e dispersión da poboación.
- Conscientes de que a abordaxe desta enfermidade, que ten un custo anual medio de máis de 30.000 €, recae principalmente nas familias e que a dotación de recursos socio-sanitarios específicos para afrontar as necesidades das persoas enfermas e das súas familias é escasa.
- Sabedores/as de que a poboación da nosa localidade está a envellecer e que iso leva consigo importantes riscos á hora de adquirir ou padecer unha demencia (sobre todo tipo Alzheimer).

O Concello quere facer constar o seu compromiso con este problema de primeira magnitud declarándose "Localidade Solidaria co Alzheimer" concienciándose sobre a existencia desta enfermidade e contribuir á súa normalización, explicando a súa realidade, alcance e facilitando ferramentas para paliar os seus posibles efectos na persoa enferma e na convivencia co seu contorno más achegado.

Por todo el asume o compromiso de:

- 1.- Impulsar actuacións e medidas encamiñadas a mellorar a calidade de vida das persoas afectadas pola enfermidade de Alzheimer e as súas familias.
- 2.- Fomentar a participación do colectivo Alzheimer nos consellos de saúde, políticos e sociais dos concellos trasladando a visión exacta e directa dos problemas aos que se enfrentan as familias e os afectados pola enfermidade facéndolles partícipes das áreas de mellora, deseño de actuacións e a participación na avaliación das mesmas de forma conxunta, presentando unha oportunidade de fortalecemento da corresponsabilidade.
- 3.- Promover a organización de charlas sobre a enfermidade de Alzheimer impartidas por profesionais sanitarios, coidadores, profesionais das asociacións familiares de Alzheimer como parte da atención e servizos que o Concello dedique ás familias afectadas e que poderían ser impartidas en locais cedidos polo Concello.
- 4.- Facilitar a dispoñibilidade de espazos públicos para dar cobertura á participación cidadá na realización de charlas sobre Alzheimer, reunións de socios, encontros interxeneracionais...
- 5.- Promover a formación sobre a enfermidade de Alzheimer dirixida a familiares, persoal de voluntariado social e a colectivos implicados no coidado de persoas que sufren esta enfermidade có obxectivo de mellorar a calidade de vida das persoas afectadas e das súas familias.



- 6.- Facilitar que aqueles servizos públicos dirixidos á atención á comunidade teñan a información e formación precisa para a correcta realización do seu traballo á hora de tratar a persoas con unha demencia.
- 7.- Difundir información sobre a enfermidade de Alzheimer facilitando contidos, recursos existentes tanto na páxina web do Concello como a través dos diferentes canles telemáticos, e os medios de comunicación disponibles en cada localidade (TV, radio e prensa local).
- 8.- Impulsar a "Axenda do Alzheimer" onde se recollan aquelas actividades relacionadas co Alzheimer que na modalidade de cursos, charlas, seminarios, encontros, eventos conteñen coa promoción do Concello.
- 9.- Facilitar a accesibilidade completa tanto das persoas con Alzheimer e outras demencias como de calquera outro colectivo.
- 10.- Apoiar a creación dunha estratexia autonómica sociosanitaria que permita desenvolver un Plan Galego de Demencias con programas concretos de atención ás persoas con Alzheimer e as súas familias así como a dun Observatorio do Alzheimer.

Con este xeito institucional, este Concello pretende servir de exemplo a outros municipios e apoiar á sensibilización e concienciación da sociedade, institucións e cargos públicos sobre este problema socio-sanitario de primeira magnitude.

Ratificando esta declaración, o noso municipio, como "**Localidade Solidaria co Alzheimer**", apoia a iniciativa liderada pola Alianza polo Alzheimer que reivindica a posta en marcha dunha Política de Estado de Alzheimer."

Intervén o Sr. Aragunde Aragunde dicindo que é sorprendente esta declaración concretamente no apartado onde se dí que "con este xeito institucional, este Concello pretende servir de exemplo a outros municipios e apoiar á sensibilización e concienciación da sociedade, institucións e cargos públicos sobre este problema socio-sanitario de primeira magnitude." Cando por parte dun concelleiro o pasado 26 j fíxose todo o contrario.

Intervén o Sr. Cordal Rodríguez que dí que non comparte o que acaba de dicir o voceiro do grupo municipal do PP, que o que aconteceu o outro día responde a prácticas fraudulentas e que non poña o foco nun feito determinado.

Intervén a Sra. Alcaldesa dicindo que a federación non se mecerá isto que esta intervención non se corresponde co punta do orde do día.

Sometida a declaración a votación esta é apreciada por unanimidade dos membros presentes (16). En consecuencia queda aprobada a declaración do Concello de Cambados como Localidade Solidaria co Alzheimer.

II) PARTE DE CONTROL E FISCALIZACIÓN DA XESTIÓN DOS ÓRGANOS MUNICIPAIS DE GOBERNO

6.- APROBACIÓN, SE PROCEDE, DO ACORDO DO GRUPO DE GOBERNO EN RELACIÓN CO APARCADOIRO PRIVADO DO HOSPITAL DO SALNÉS.



Ilmo Concello de
CAMBADOS *
(Pontevedra)

Intervén o Sr. Cordal Rodríguez quen expón que esta denuncia fana a petición da Xunta de Persoal procede á lectura da moción que é a seguinte:

EXPOSICIÓN DE MOTIVOS

O Hospital do Salnés ten un problema co aparcamento. Problema que se tratou de arranxar utilizando unha parcela que un particular cedeu por tres anos prorrogables ao Concello de Vilagarcía e que se acondicionou cunha achega da Deputación Provincial de Pontevedra. Con este sistema conseguiuse que o hospital dispoña dun aparcadoiro público e gratuito con capacidade para 150 coches.


Pero, dado que este aparcadoiro naceu como algo temporal e que ademais resulta insuficiente, a iniciativa privada apresurouse a formular outro aparcadoiro, nesta ocasión totalmente privado. Aparcadoiro que ten moi enfadada á cidadanía e incluso á xunta de persoal do centro, que denuncian e cuestionan o funcionamiento deste aparcadoiro privado porque mestura os intereses privados e empresariais cos recursos públicos.

Fai aproximadamente un ano que unha empresa privada acondicionou unha das fincas lindieiras ao Hospital do Salnés para ese aparcadoiro privado. Pero resulta que ese proxecto empresarial pretendía utilizar os accesos públicos para entrar e saír do recinto hospitalario, exactamente a rotonda que desemboca na area do Servizo de Urxencias.

Curiosamente os terreos que rodean o centro hospitalario pertencen a dous concellos distintos: Vilagarcía e Vilanova. Sendo o aparcadoiro e arredores do Concello de Vilanova. E, precisamente ata o de agora, ese concello tiña amosado moito celo e multaba con gran diligencia ás persoas que deixaban os coches aparcados neses accesos por considerar que podían supor algún perigo e que molestaban ás ambulancias no seu camiño ata Urxencias.

Con todo, agora, o mesmo concello non parece ver problema en que o aparcadoiro pretendera desembocar precisamente na rotonda de Urxencias. As usuarias e os usuarios están molestos, e desconfían das facilidades que a empresa propietaria do aparcadoiro privado tivo para solucionar as dificultades administrativas iniciais dese proxecto. Así, denuncian que se está a beneficiar a unha empresa privada que emprega terreos que pertencen ao Sergas sen que a Xunta diga nada ao respecto, pois as escalaeras e as rampas de acceso dende o aparcadoiro ás Urxencias se construíron sobre terreo público. E que a día de hoxe non se propóna dende o Sergas unha alternativa o aparcadoiro privado alén dos terreos cedidos temporalmente e que en menos de dous anos remata a concesión gratuita dos mesmos, xa que en caso de privatizarse este aparcadoiro pola propietaria dos terreos, o hospital do Salnés non dispoñería de aparcadoiro público nas inmediacións do mesmo.

Por todo o anteriormente exposto, preséntase o seguinte ACORDO para o seu debate en Pleno para que a Corporación Municipal inste á Xunta de Galicia a responder ás seguintes cuestións:



1. Existe algúen convenio, contrato ou acordo entre a Consellería de Sanidade ou o centro hospitalario e os responsables da empresa propietaria do aparcadoiro privado do Hospital do Salnés?
2. Que contrapartidas obtén o Servizo Galego de Saúde de dito aparcadoiro privado?
3. Está funcionando de acordo coa legalidade ese aparcadoiro?
4. Conta dito aparcadoiro co permiso do Sergas para realizar os accesos dende o aparcadoiro do hospital a Urxencias?
5. Non considera o Sergas que os accesos do aparcadoiro privado deberían ser realizados pola empresa privada que xestiona o aparcadoiro e non con fondos públicos?
6. Ten previsto o Sergas algunha alternativa de estacionamento a partires do 2018 cando remate a cesión gratuita dos terreos do único aparcadoiro público existente a día de hoxe nas inmediacións do hospital do Salnés?

Intervén o Sr. Aragunde Aragunde quen dí que a eles non lles parece unha moción, son unha serie de preguntas que teñen que dirixirlle á consellería, e que no punto 3º preto da legalidade do aparcadoiro debe contestar o concello. Prosegue dicindo que nunca houbo tantas prazas de aparcadoiro como hoxe, que a Consellería de Sanidade levou un proxecto ambicioso e que temos un dos mellores servizos de urxencias dun hospital comarcal, que se pediu unha ambulancia medicalizada e que apartires de hoxe xa hai unha, que parece que cando se soluciona un problema hai que buscar outros. Remata dicindo que quiere felicitar á Consellería de Sanidade pola ampliación do hospital e pola ambulancia medicalizada, que se creou un aparcadoiro de pago agora e que pregunte a Alcaldesa como representante do concello.

Intervén o Sr. Cordal Rodríguez quen dí que é certo que lles chegou un fax coa ambulancia pero que ven con soporte vital básico e non medicalizada, entende que deben calizar as demandas da sociedade e por iso se trae a moción.

Intervén o Sr. Aragunde Aragunde quen anuncia que non van apoiar a moción xa vai mal dirixida e a órgano incompetente.

Sometido o acordo de goberno a votación obtense o seguinte resultado:

Votos a favor: 9 (membros dos grupos municipais do PSdeG-PSOE, B.N.G, Participación Democrática Directa de Galicia/Somos Cambados e grupo mixto).

Votos en contra: 7 (membros do grupo municipal do PP).

En consecuencia queda aprobado o acordo de goberno en relación co aparcadoiro privado do Hospital do Salnés nos termos en que foi presentado.

7.- APROBACIÓN, SE PROCEDE, DO ACORDO DO GRUPO DE GOBERNO PARA A ADHESIÓN Ó PROGRAMA DE VIVENDAS VALEIRAS DO INSTITUTO GALEGO DE VIVENDA E SOLO.

Intervén o Sr. Cordal Rodríguez quen dí que lles chegou unha iniciativa boa da Xunta de Galicia procede á lectura do acordo que é o seguinte:



EXPOSICIÓN DE MOTIVOS

O Instituto Galego de Vivenda e Solo (IGVS) puxo en marcha o Programa de Vivendas Baleiras. Para adherirse ao citado programa debéselle comunicar ao IGVS o desexo do Concello de adherirse ao mesmo, despois de telo aprobado no Pleno da Corporación Municipal. Logo, o IGVS porase en contacto co Concello para asinar o documento de adhesión. Posteriormente, constituirase unha comisión bilateral na que se acordarán as condicións que deberán reunir as vivendas para a súa incorporación ao programa.

Por iso, o Goberno Municipal do Concello de Cambados PROPÓN, para a súa aprobación no Pleno da Corporación Municipal, o seguinte:

ACORDO

- 1.- Manifestar a vontade de adhesión desta Corporación ao Programa de Vivendas Baleiras do Instituto Galego de Vivenda e Solo.
- 2.- Notificar este acordo ao Instituto Galego de Vivenda e Solo.

Intervén o Sr. Aragunde Aragunde quen expón que a Xunta de Galicia aprobou 12 medidas contra o desafiuamento que vai axudar a moitos galegos, que lle gustaría que se fixese antes. Remata a súa intervención felicitando á Xunta de Galicia.


Sometido o acordo de goberno este é apreciado por unanimidade dos membros presentes (16). En consecuencia queda aprobado o acordo do grupo de goberno municipal para a adhesión ó programa de vivendas valeiras do Instituto Galego de Vivenda e Solo.

8.- APROBACIÓN, SE PROCEDE, DO ACORDO DO GRUPO DE GOBERNO SOBRE A CONSTRUCCIÓN DE INVERNADOIROS EN SÓLO RÚSTICO A RAIZ DA ENTRADA EN VIGOR DA NOVA LEI DO SOLO DE GALICIA 2/2016, DE 10 DE FEBREIRO.

Intervén o Sr. Abal Varela expoñendo que os criterios para construir invernadoiros coa entrada en vigor da Lei 2/2016 do Solo de Galicia son más restrictivos, o cal afecta moiísimo debido a existencia de minifundios. Que hai algúns requisitos difíciles de entender como ter acceso rodado público ou a parcela mínima en solo rústico de 2.000 m² o cal perxudica moito aos veciños de Cambados. Lembra a importancia do sector agrario no noso concello e solicita a unanimidade desta proposta para que se modifique a lei e se fixe o réxime excepcional que existía na LOUGA.

Intervén o Sr. Aragunde Aragunde dicindo que van apoiar a moción ainda que a lei fose aprobada polo PP, que están en contra da lei nese aspecto.

Sometido o acuerdo de goberno este é apreciado por unanimidade dos membros presentes (16). En consecuencia queda aprobado o acordo do grupo de goberno



municipal sobre a construcción de invernadoiros en solo rústico a raiz da entrada en vigor da nova lei do solo de galicia 2/2016, de 10 de febreiro que queda redactado nos termos en que foi presentado en que é o seguinte:

EXPOSICIÓN DE MOTIVOS

O pasado 19 de marzo entrou en vigor a nova Lei do Solo de Galicia, 2/2016, do 10 de febreiro, que derroga entre outras a Lei 9/2002, de 30 de decembro (LOUGA) e as súas modificadas.

A nova Lei introduce novidades respecto da regulación do réxime do solo rústico e ainda que na súa exposición de motivos asegura que esa nova regulación "**potencia os usos económicos do este solo**" elimina excepcións que a LOUGA establecía para as actividades construtivas non residenciais neste tipo de solo, concretamente a construcción de viveiros e invernadoiros que no municipio de Cambados son a base económica de moitas familias, cooperativas e empresas auxiliares ou derivadas da agricultura.

A LOUGA, no seu artigo 44 establecía o réxime excepcional, aplicable ao Solo Rústico de Protección Ordinaria, de Especial Protección agropecuaria, forestal ou de infraestruturas, eximindo a este tipo de construcións do cumprimento do disposto nos artigos 42 e 44 da devandita Lei, a saber:

Artigo 42.- Condicións xerais das edificacións en chan rústico

- Garantir o acceso rodado de uso público, abastecemento de auga, evacuación e tratamiento de augas residuais, subministración de enerxía eléctrica, recollida, tratamento, eliminación e depuración de toda clase de residuos e, no seu caso, a previsión de aparcadoiros. Servizos e infraestruturas cuxo custo deberá sufragar exclusivamente o promotor da actividade.
- Ocupación máxima, pola edificación, do 20% da superficie da leira; do 60% no caso de edificacións ligadas a explotacións agrarias, acuicultura e infraestruturas de tratamiento ou depuración de augas e do 100% no caso de cementerios.
- Tipoloxías de edificación, características estéticas, construtivas, materiais e cores congruentes coas da contorna.
- Altura máxima de dúas plantas e 7 metros de altura para todo o chan rústico coa excepción dos chans rústicos protexidos, onde a altura máxima fixábaa en 3,50m.

Art. 44.- Condicións adicionais para outras actividades construtivas non residenciais

- Superficie mínima de parcela 3.000 m², excepto para Instalacións de Servizos técnicos de telecomunicacións, dotacións e equipamentos, ampliación de cementerios e instalacións de tratamiento ou depuración de augas.
- Xustificar a idoneidade do seu emprazamento en chan rústico.

A nova Lei do Solo de Galicia establece nos artigos 35 ao 39 os usos e actividades en solo rústico, o procedemento para o outorgamento de autorizacións e as condicións xerais das edificacións neste tipo de solo. No punto g) do art. 35 inclúe



Ilmo Concello de
CAMBADOS *
(Pontevedra)

CONCELLO DE CAMBADOS
SECRETARIA

como usos e actividades admisibles a construcción e instalacións agrícolas tales como viveiros e invernadoiros; e no art. 39, nas condicións xerais da edificación, transcribe o texto dos artigos 42 e 44 da LOUGA, reducindo a superficie da parcela mínima a 2.000 m² e fixando que no caso da construcción de invernadoiros a superficie máxima de ocupación será do 60% da superficie da leira, permitindo en casos excepcionais chegar ao 66%.

En resumo, a nova Lei elimina o réxime excepcional que para a construcción de invernadoiros contemplaba a LOUGA, asociando este tipo de construcións a todo tipo de edificacións autorizables en Solo Rústico, esixíndolle as condicións de dotación de servixos urbanísticos, parcela mínima, retranqueos e demáis condicións.

Como consecuencia das condicións que impón a nova Lei do Solo só poderanse construir invernadoiros naquelas parcelas de Solo Rústico que superen os 2.000 m² de superficie, teñan acceso rodado público e outros servizos urbanísticos, necesarios para o desenvolvemento da actividade, que, caso de non existir, deberán garantir ao promotor a súa implantación.

Polo exposto, dado o carácter eminentemente agrícola do municipio, o **Grupo de Gobierno propón dirixirse á Xunta de Galicia pedindo que mediante a modificación puntual da nova Lei do Solo establezase novamente o réxime excepcional que para este tipo de construcións tiña a LOUGA e así se posibilite a instalación deste tipo de construcións en Solo Rústico.**


9.- MOCIÓN DO GRUPO MUNICIPAL DO PP PARA INSTAR Á DEPUTACIÓN DE PONTEVEDRA A FORMALIZAR UN CONVENIO DE COLABORACIÓN COA RUTA DO VIÑO RÍAS BAIXAS.

Intervén o Sr. Aragunde Aragunde expoñendo que no ano 2013 se asinou un convenio coa Ruta do Viño Rías Baixas por importe de 60.000,00 euros, 70.000,00 euros no 2014 e no 2015 non se asinou tal convenio. Que en 2016 e nos orzamentos non existe partida e non se dan sinais de vida de que se vaia a asinar este convenio, que o enoturismo polo que se traballou coa Ruta do Viño Rías Baixas e a través de ACEVIN corre o perigo de desaparecer. Entenden que é importante o convenio, que pode adaptarse pero que corre perigo de desaparecer a Ruta do Viño Rías Baixas ou minguar as súas actividades. Remata dicindo que o Concello de Cambados como vicepresidente das Rutas do Viño ten que actuar e solicitar as axudas e que lle sorprendeu que o PSOE votara en contra na Deputación Provincial xa que ninguén plantexou ningún cambio se é que se estaba a levar mal a actividade.

A moción presentada é a seguinte:

"MOCIÓN

Unha das maiores e máis importantes industrias das que dispoñemos nas rías Baixas é a vitivinícola, que durante anos estivo centrada na producción, transformación e venta dos seus viños.



De forma paralela aos recoñecementos nacionais e internacionais que estaban a recibir os nosos viños Rías Baixas, chegaban á provincia e a comarca os primeiros visitantes desexosos de profundizar na cultura enoloxica e coñecer os segredos de elaboración duns viños tan laureados.

Isto motivou que no ano 1996 nacera en Cambados a Ruta do Viño Rías Baixas, formada por empresas do sector do turístico, do comercio, por entidades públicas e sobre todo, establecementos do sector vitivinícola unidos todos eles cun fin común: ofrecer a posibilidade de gozar dunha experiencia turística única en torno ao viño da denominación de Orixe Rías Baixas.

Dende o seu inicio e despois dun largo percorrido, no ano 2005 intégrase no selecto club Rutas do Viño de España, tras superar un proceso de certificación externa como marca de calidade. Esta distinción promovida a nivel nacional pola asociación de Ciudades del Vino de España (ACEVIN) e pola Secretaría de Estado de Turismo, situou a Ruta do Viño Rías Baixas nunha esfera de promoción, que atrae a miles de visitantes.

A Ruta Do Viño Rías Baixas é un instrumento de suma de sinerxias entre empresas, asociacións e diferentes entidades públicas e privadas a través da cal, se ofrece ao visitante a posibilidade de disfrutar dos melhores viños Rías Baixas, visitando adegas, museos do viño, vinotecas, monumentos, festas populares ou espazos naturais vencellados todos eles aos viños Rías Baixas.

Ademais de ser unha ferramenta de promoción mancomunada entre os sectores Turístico e Vitivinícola, serve como estímulo para que as empresas e entidades asociadas, melloren día a día a calidade e os servizos cos que reciben aos seus visitantes, sendo elo recoñecido por selos como a "Q" de calidade turística en 21 entidades asociadas á Ruta.

De entre as moitas actividades que desenvolve a Ruta do Viño Rías Baixas hai que destacar o estímulo e a promoción para que os seus asociados abran as súas instalacións e ofrezan os seus produtos e servizos ó enoturismo.

Xunto a esa labor, xornadas de promoción, cursos de ventas, catas comentadas ou rutas programadas atraeron á Ruta do Viño Rías Baixas 100.000 visitantes no ano 2015, seguindo unha estela de crecemento anual do 15%.

Como instrumento dinamizador do sector turístico e vitivinícola, os gobernos do Partido Popular na Deputación de Pontevedra apoiaron economicamente a Ruta do Viño Rías Baixas, tanto para o seu funcionamento diario, coma para a posta en marcha das numerosas actividades que ao longo do ano organizaban.

Na medida que a axuda da Deputación é imprescindible para que a entidade poida manter o nivel e número de actividades, é polo que o Grupo Partido Popular somete a aprobación do pleno o seguinte

ACORDO



Ilimo Concello de
CAMBADOS (Pontevedra)

Instar á Deputación de Pontevedra que formalice un convenio de colaboración coa Ruta do Viño Rías Baixas, nos termos do convenio firmado nos últimos anos, que lle permita realizar as labores de promoción e difusión do sector Turístico e Vitivinícola, ámbolos dous, piares económicos fundamentais deste concello e das Rías Baixas."

Intervén a Sra. Alcaldesa dicindo que esta moción xa foi rexeitada en deputación, di que este sí é un punto de recheo e que vai ler a intervención do PSOE na deputación:

"Permanentemente están vostedes presentando mociones absolutamente cheas de errores e imprecisións a pesar dos anos que estiveron dirixindo esta administración.

Estamos ante un texto infestado de formulacións absolutamente equivocadas.

Un texto que relaciona a obtención da Q de calidade de 21 das adegas coa sua presenza na ruta, cando este selo é mérito propio de cada adegueiro que, por certo, sen recibir ningunha axuda da ruta para a súa obtención.

Un texto que argumenta que as axudas da deputación son indispensables para o funcionamento diario da ruta do viño, cando este tipo de axuda non está permitida pola lei de subvencións.

Un texto que nomea as actividades que desenvolve a ruta e obvia as más destacables como a Ruta en BUS....mentres destaca como un éxito un crecemento en visitantes próximo ao 15% cando á vista dos informes de ACEVIN pasamos do sexto posto no ránking de visitantes ao séptimo, sendo superados por rutas moito menos importantes como a Ruta do Empordá...


Todo iso é unha mostra clara da falta de rigor no seu traballo político. De todo isto, xa foron advertidos a semana pasada cando presentaron eta mesma moción no pleno da Deputación, e agora veñen aquí e presentan a mesma moción, sen correxir, cos mesmos errores, e sabendo a resposta que se lle vai dar desde este equipo de goberno.

As orixes da ruta do viño Rías baixas remóntase ata o ano 1996, integrándose 2001 no programa rutas de España da Dirección Xeral de Turismo, e que desde o 2008, encárgase da súa xestión a asociación Ruta do viño de Rias baixas

E que non é ata o ano 2012, cando esta Ruta chega ao primeiro e único acordo coa deputación de Pontevedra a nivel económico

O acordo consistía en que durante 3 anos, repito 3 anos do 2012 ao 2014, a ruta recibiría mediante convenio de colaboración 60.000 euros anuais nos dous primeiros e 70.000 € no último.

Estas cantidades debían destinarse a financiar actividades para a súa promoción e posta en valor, á vista dos graves déficits que existían en esta materia detectados polos técnicos de turismo desta administración.



Uns déficits que a día de hoxe seguen existindo tanto a criterio dos servizos técnicos da deputación, como a criterio dos adegueiros que integran esta ruta.

Polo que é evidente e claro que esta medida adoptada por Rafael Louzán, coa que pretendía, mediante unha inxección económica de cartos de libre disposición, suplir ideas e propostas, non deu resultados.

Polo que é evidente claro que esa medida foi adoptada pola anterior deputación foi un erro.

E agora o PP vén a este pleno a pedir que cometamos o mesmo erro.

Incongruencia política chámaselle a iso.

Entre os anos 2012 e 2014, esta ruta do viño recibiu 190.000 euros de fondos públicos.

190.000 euros destinados teóricamente para financiar actividades que permitisen relanzar a ruta e que a criterio da directiva naquel momento eran suficientes tanto en cantidade económica como no período no que se fan a recibir, 3 anos.

Eran fondos destinados á creación de novas actividades que puidesen supor un retorno económico para os adegueiros e hostaleiros asociados, que lle desen un impulso á ruta e que a situase en mellor posición no rankin de visitas.

Pero o certo é que se fracasou á vista dos resultados recollidos en ACEVIN, sobre todo vendo como rutas como a da Rioxá alta, que precisamente no ano 2012 viñeron aprender de nós, están xa 3 posicións por encima con máis de 150.000 visitantes fronte aos nosos 88.000... por certo non 100.000 visitantes como poñen no seu texto... deberían documentarse mellor

Este fracaso evidenciárono vostedes mesmos no ano 2015, cando decidiron non renovar eses convenios, porque por certo a última achega é do ano 2014, non do 2015 como poñen no seu texto, outro erro máis desta moción presentada dúas veces.

¿As razóns de porqué non se ampliou esta achega no tempo? moi claras, o propio Rafael Louzán era coñecedor do fracaso que supuxera ese impulso económico que non logrou os obxectivos para os que foi deseñado.

Un fracaso que os propios adegueiros ratifican cada vez que falan da Ruta do viño.

E é que fíxense, Carmela Silva Rego, a Presidenta, reuniese con moitos deles a título individual e mostráronlle claramente o seu malestar polo financiamento con cartos públicos dunhas accións que:

- non provocaban praticamente ningún retorno ás adegas
- non puñan en valor a marca da Ruta do viño



Ilmo Concello de
CAMBADOS *
(Pontevedra)

e que en todo caso non melloraban en ningún momento ao tecido socioeconómico da zona na que está implementada

e asegúrolles que Adegueiros, hoteis e restaurantes únense todos nesta crítica.

Póñolle algúns exemplos das denuncias que nos trasladaron

- Clara falta de organización
- Adegas pechadas que deberían ser visitables,
- Accións con moi pouco resultado de visitantes
- Actividades dirixidas a grupos de persoal da propia asociación e pouco apoio dalgúnhas entidades locais.

Todas elas eran queixas moi similares, falaras con quen falaras, desde adegueiros de gran tamaño a pequenos adegueiros.

Todos coincidían que é necesario facer un replantexamento da ruta.

É máis, sorprendémonos cando foron eles os que nos advertiron de que as achegas da deputación foran un erro, porque supuxeron un enorme gasto público sen reversión nin económica, nin de consolidación da Ruta.

Así que empezamos a analizar a situación desta Ruta e as relacións entre ela e esta administración e descubrimos que os adegueiros tiñan razón, toda a razón.

As xustificacións dos convenios entre os anos 2012 e 2014 arroxan datos que realmente deberían pór colorados aos deputados que presentaron esta proposta en Deputación e aos concelleiros que a volven a presentar aquí.

Pagóuselle á ruta do viño gastos considerados de funcionamento diario algo absolutamente prohibido pola lei de subvención, pagóuselles ata o tóner e os cartuchos das impresoras. Pagóuselles cámaras fotográficas, impresoras ordenadores. Pagóuselles ata pólizas de seguro.


É dicir, a ruta do viño financiou a súa xestión diaria cunha parte importante destes fondos no canto de dedicalos á súa promoción e consolidación, no canto de destinalos realmente accións que tivesen retorno para os adegueiros

No ano 2014 xustificouse un total de 70.000 € dos que tan só un 9% corresponde a gastos dirixidos a actividades

Mentras que preto dun 20% corresponde a gastos de comidas e desprazamentos sen xustificar.

Sí, gastáronse parte dese diñeiro, en viaxes, comida.. entre eles unha viaxe á Ruta do viño da Ribeira del Duero para, exclusivamente 24 persoas dos 130 asociados, iso si, con todos os gastos pagos: hoteis, voos, restaurantes.

Temos incluso facturas de restaurantes sen que se indique quen ou quen comeron neles, por certo, restaurantes con estrelas Michelín.



E fronte a iso atopámonos con que as xustificacións das actividades que deberan relanzar a ruta redúcese a unha serie de actividades nas que participaron un número moi reducido de visitantes:

En ioga para viñedos participaron 16 persoas.

Nos Descensos en kaiak participaron pouco máis de 50.

Fixéronse concursos en redes sociais nos que participaron unha media de 20 persoas en cada un deles.

Ou unha xornada de vendima, na que as fotografías dos visitantes para a xustificación, mostran a 4 persoas e a guía.

Todos estes datos arroxan unha conclusión moi clara e definida, a Ruta do viño tal como esixen os adegueiros integrantes da mesma, necesita dunha profunda reformulación.

É por iso que a Deputación de Pontevedra, vai seguir apostando por ela, pola nosa Ruta Rías Baixas, pero desde un prisma político e económico absolutamente diferente.

E non o consideramos só nós.

Na a propia auditoría realizada pola Ruta do viño para conseguir a renovación da certificación, recoméndannos melloras entre as que están

A eleboración dun plan de mellora da Ruta do viño , traballando en maior medida todos os aspectos relacionados co produto para orientalo a segmentos concretos de demanda.

Maior implicación das empresas adheridas e que participen nas tomas de decisións,

Realizacion de mais autoavalaiacións,

Medir a calidade do servizo prestado,

Crear un inventario de recursos

Ou Redactar un plan de calidade


Todas elas entre outras cuestiós de menor calado.

É por iso que a Deputación, toma nota de todas as achegas recibidas, e vai seguir colaborando activamente con esta ruta.

Estáse a facer xa a través da liña de subvencións que turismo puxo en marcha para colectivos e a Ruta do viño, xa se presentou cun proxecto que non alcanza os 10.000€ máximos que permite a liña de concorrencia.



Ilmo Concello de
CAMBADOS
(Pontevedra)



Escoiten o que lles acabo de dicir con atención, a ruta Rías baixas presentou un proxecto de 9.000 euros, cando podían chegar aos 10.000.-

9.000 euros para actividades cando no ano 2014 necesitaron 70.000

Quizá teña moito que ver o feito de que en liñas de subvencións da nova Deputación xa queda moi claro que non se financian ningún tipo de factura que teña que ver con restaurantes, vías e outras cuestións que non poidan ser debidamente xustificadas.

Tamén solicitaron persoal a través do Plan de prácticas da deputación para empresas.

E por suposto que como ambas as subvencións contan con bases reguladoras en concorrencia competitiva, se presentaron un bo proxecto contarán coa subvención correspondente.

A partir de aquí imos reformular absolutamente o modelo da man dos propios adegueiros. Por iso será necesario que a partir dunha auditoría interna da Ruta podamos coñecer as súas potencialidades e as súas debilidades para establecer a partir dela un Plan que nos permita situar esta ruta no mundo

Necesitamos que as actividades que se expoñen teña un retorno efectivo ás adegas, necesitamos que se fixen liñas claras de apoio decidido aos pequenos adegueiros e todo iso seguindo o exemplo das rutas que se están a funcionar e que demostraron que non son necesarias fórmulas máxicas baseadas exclusivamente en achegas económicas senón que se necesita cohesión, unidade e traballo dos propios adegueiros en colaboración coas Administracións públicas.


Promoveremos unha maior implicación dos concellos que son socios desta Ruta e que deben ser elementos impulsores da mesma.

É por todo iso que imos votar en contra desta moción xa que sería un sinsentido continuar apostando económicaicamente por unha Ruta que non está a funcionar debidamente e que polo tanto, precisa previo a calquera apoio específico se someta a unha seria e profunda análise

E xa que teñen vostedes tanto interese de que esta Ruta funcione a base de achegas económicas exclusivamente, ben podían vostedes reclamar noutras administraciones moi más próximas

Diríxanse ao concello de Vilanova, e ao seu alcalde, que leva varios anos sen pagar a cota da Ruta do Viño, o que pon en perigo a permanencia das adegas situadas no seu concello,

Porque por se vostedes non o saben, é condición para que unha adega poida estar integrada nesta Ruta, que o Concello no que está emprazada tamén o este.



E xa que teñen tanto interese en promocionar esta Ruta, deberían deixar de presentar mociones deste tipo que o único que fan é evidenciar a mala praxe dos seus gobernos.

E xa por último deixen vostedes de esixirnos cuestións que o seu goberno da deputación xa rexeitou anteriormente

Fagan dunha vez formulacións en positivo que redunden no beneficio do noso Concello.

Non se entende esta práctica de tratar pleno tras pleno neste Concello mociones dirixidas á deputación de Pontevedra, cando éstas xa foron debatidas, explicadas e rexeitadas no pleno da Deputación, é que non sabe que esta deputación nos ten ao tanto de todo o que se fai, e xa non existe aquel oscurantismo da antigua deputación? Agora todo é transparente, e temos comunicación diaria de todo canto se fai. Agora sí entendo a súa frase de puntos de recheo nos plenos...un punto de recheo non é o que defende igualdade das mulleres nin a incorporación a convenios beneficiosos para os nosos veciños e veciñas, o punto de recheo en todos os plenos, é ese único punto que presentades como moción en cada pleno, carente de sentido, xa que vai dirixido a outra administración e xa foi rexeitado anteriormente na mesma.

Polo tanto, unha vez máis imos votar en contra de seguir co método caciquil ao que estaba acostumada á anterior Deputación.

As subvencións son para a promoción da Ruta e fanse en completo acordo cos integrantes desta, cos seus proxectos e as súas necesidades.


Así que imos a apoiar a promoción da Ruta, pero non dese xoito que o PP pretende. De feito este Concello pode presumir de ter o primeiro concelleiro de enoturismo de España, imos seguir mantendo as boas relación con todas as asociacións relacionadas co viño, motor da economía da nosa zona, e incluso retomamos a relación que estaba morta, con Acevin e con Carme Ribas, como xa demostramos na última Festa do Albariño, invitándoa ao xantar, dándolle un recoñecemento e mantendo comunicación de xeito periódico con ela.”.

Conclúe dicindo que como non van a apoiar o enoturismo se teñen ao primeiro concelleiro de enoturismo de España, que retomarán o contacto con carme ribas e que apoiarán as actuacións non dun feito caciquil xa que quere que se vexan resultados.

Intervén o Sr. Aragunde Aragunde dicindo que él tamén foi concelleiro de enoturismo, que estaban presentes nas asambleas de ACEVIN e RECEVIN e que a persoa que máis aportou foi él como Alcalde de Cambados. Dí que con carme ribas foron a Italia e nos criticáchedes. Dí que eles non invitaban a técnicos e que presentarán as mociones que queiran e non as que lle diga a Alcaldesa. Prosegue dicindo que nin os do sector nin a alcaldesa saben o que hai que facer para ter a “Q” de calidade turística, que se pode pasar do 6º ao 7º posto das rutas pero subindo un 15%, que Rafael Louzan como Presidente da Deputación Provincial asinaba ese contrato a finais de 2015, que son os vicepresidentes da Ruta do Viño e



Ilmo Concello de
CAMBADOS
(Pontevedra)



que non estan a facer nada, que non preguntan nada nas asambleas e que se hai que cambiar algo que se cambie.

Intervén a Alcadesa quen manifesta que neste ano se presentou un proxecto de só 9.000,00.

Intervén o Sr. Aragunde Aragunde dicindo á alcadesa que son vostedes os que fixeron ese proxecto, que fagan algo e que o único que están a pedir é que se solicite a axuda á deputación, que lle sorprende que un alcalde de Cambados esté en contra dunha aportación económica e que se hai que cambiar algo que o cambien.

Intervén a Alcadesa dicindo que ela non presentou ese proxecto e que está pendente dunha auditoría.

Sometido a moción a votación obtense o seguinte resultado:

Votos a favor: 7 (membros do grupo municipal do PP).

Votos en contra: 9 (membros dos grupos municipais do PSdeG-PSOE, B.N.G, Participación Democrática Directa de Galicia/Somos Cambados e grupo mixto).

En consecuencia queda rexeitada a moción do grupo municipal do PP para instar á Deputación de Pontevedra a formalizar un convenio de colaboración coa Ruta do Viño Rias baixas.

10.- DAR CONTA DO INFORME DE INTERVENCIÓN DO PERÍODO MEDIO DE PAGO DO PRIMEIRO TRIMESTRE/2016.

Intervén o Sr. Charlín Trigo quen dí que o período medio de pago é de 64 e que están todavía lastrando o pago dos 750.000,00 € de recoñecemento extraxudicial.

O pleno dase por enterado

11.- DAR CONTA DO INFORME DE TESOURERÍA DE MOROSIDADE DO PRIMEIRO TRIMESTRE/2016.

O pleno dase por enterado

12.- DAR CONTA DAS RESOLUCIÓNS DA ALCALDÍA

O pleno dase por enterado (maio e xuño)

Antes de pasar ao seguinte punto pregunta a Sra. Alcadesa se algún grupo desexa someter pola vía de urxencia algún asunto que non teña cabida na quenda de rogos e preguntas.

Intervén o Sr. Aragunde Aragunde quen dí que o seu grupo ten unha moción por urxencia que reza así "MOCIÓN DE URXENCIA, ESIXINDO A DIMISIÓN DO



Ilmo Concello de
CAMBADOS
(Pontevedra)

CONCELLEIRO XURXO CHARLIN TRIGO, POLA SUA ACTUACIÓN NA XORNADA ELECTORAL DO DIA 26 DE XUÑO DE 2016"

Por parte da Alcaldesa solicítaselle que xustifiquen a urxencia, xa que poderían tela presentada o luns.

O Sr. Aragunde Aragunde xustifica a presentación no pleno dicindo que non a presentaron o luns porque o luns foi cando se xuntaron para valorar o acontecido o 26 J, solicita leer a moción.

Dáselle a palabra ao secretario xeral do Concello quen informa que hai que xustificar a urxencia e se esta é apreciada pola maioría absoluta do número legal de membros da Corporación é cando comeza a lectura e debate.

Sometida a urxencia da moción e votación acádase o seguinte resultado:

Votos a favor: 7 (membros do grupo municipal do PP).

Votos en contra 9: (membros dos grupos municipais do PSdeG-PSOE, B.N.G, Participación Democrática Directa de Galicia/Somos Cambados e grupo mixto).

En consecuencia queda rexeitada a urxencia solicitada e non procede a inclusión na orde do día da moción.

Dilixencia: Para facer constar que acto seguido os membros do grupo municipal do PP levántanse dos seus escanos.

13 ROGOS E PREGUNTAS

Pregunta a Sra. Alcaldesa se algún concelleiro desexa plantear alguma pregunta ou formular algún rogo. Non se solicita por ningún concelleiro.

E sen máis asuntos que tratar a Sra. Alcaldesa da por rematada a sesión, cando son as vintedúas horas e corenta e seis minutos, de todo o que eu como secretario dou fe.

Vº e Prace
A ALCALDESA

O SECRETARIO XERAL

